

Vum oifache Lewe

An „sellemols“ erinnert sich wieder Hans-Edgar Bickelhaupt



„Sellemols“ wurden viele Hände gebraucht: Kaffeepause auf dem Kartoffelacker in Traisa. Ob in den Tassen allerdings tatsächlich Kaffee war oder doch eher „Muckefuck“? (Fotograf unbekannt)

Mer kann sich heit kaum noch vorstelle, wie orm die Leit frieher worn. Do is gesport worn, wo nor se sporn wor. Die Großeldern worn aach noch rescht bescheide in ehrm lewe, de Eldern is es schun e bissje besser gange. De Vadder hatt soin fesde Aweitsplatz un hot jed Woch soin Lohn de Mudder uff de Disch geleggt. Dodevoo hot sem e poor Penning hiegeschowe un dodemit wor er sefreere. Die worn fer e bisje Duwak un fer e Gläsje Bier un en Schnaps, wann er am Wocheend owens als emol in die Wätschaft gange is. Do hatt err awwer deveer dehaam se Nacht gesse gehatt, dann in de Wätschaft esse, des wor net Mode. Des hatt's hechtens emol an Kerb odder an em Feierdaach gewwe. Die Kinner häwwe Latwerjebrot odder e dinn geschmiert Budderbrot mit in die Schul kriggt, de Vadder hot fer de ganze Daach soi Brot mitgenomme, un do is als e bissje Worscht druff kumme, vor allem im Winder, wann geschlacht woarn is. Do häbb isch emol zu de Mudder gesaat: „Wann de moi Brot schmierst, nimm doch des Messer, wo de ewe em Vadder soins geschmiert host, des schmeckt dann noch e bisje noch Worscht.“ Ja, des woarn schunn hadde Zeide, awwer die Leit woarn mit dem, was se hadde, zufriede!

Quelle:

Ria Märtin:

„Ourewäller Kumm-Owend“

bearbeitet von

Hans-Edgar Bickelhaupt

Arbeitskreis Heimatgeschichte

Mühltal